



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

58 Sebastiani Portugalliae Regis mors.

urn:nbn:de:hbz:466:1-10316

- 90 Tertio, † fallit in legato pecuniæ facto pro construendo monasterio, si pecunia à testatore relicta non sufficit ad monasterium construendum, quia tunc legatum in alium pium usum per Episcopum de consensu hæredis, & executoris testamentarii potest commutari, Innoc. in cap. nos quidem, num. 1. & ibi Abb. num. 6. de test. & Roma. conf. 409.
- 91 Quarto, † fallit in legato facto de fundando monasterio, ecclesia, vel oratorio in certo loco, vel ubi prius erat, & destruetum reperitur, restaurando, aut reædificando, si id eodem loco fundari, reædificari, aut restaurari non potest, quia tunc Episcopus cum consensu executoris testamentarii locum pro ædificatione potest commutare, Innoc. in eod. cap. nos quidem, d. n. 1. & ibi Abb. num. 13.
- 92 Quinto, fallit, † quando relictum ad pias causas non potest ad usum destinatum per testatorem exponi, & simpliciter concernit piam causam, & non personam, quia tunc ad alium usum pium per Episcopum de consensu hæredis converti debet, cap. nos quidem, de testam. Zibarel. in clem. 2. quest. 3. de relig. dom. Graff. decis. aur. par. 1. lib. 2. cap. 53. num. 11. vers. hac autem justa. Bar. in l. pater. S. Tusculanus ff. de leg. 3. & Abb. in d. c. nos quidem, n. 14.
- 93 Dispensare autem possunt † Episcopi ab omnibus votis, in quibus eis facultas specialiter prohibita non reperitur gloss. in in cap. at si clerici, in ver. minora. vers. alia est magis communis, & ibi Innoc. de jud. gloss. in cap. ex multa, in verb. incumbit, & 58. ibi Abb. num. 10. de vot. & gloss. in c. nuper, in ver. non retinuit de sent. excom.
- 94 Prohibita † est Episcopis facultas dispensandi super quinque votis, nempe super voto perpetuæ continentiæ, religionis, peregrinationis in Hierusalem, liminum Apostolorum Petri & Pauli, & S. Jacobi in Compostella, in quibus solus Papa, vel, qui ab ipso peculiarem facultatem habeat dispensare potest, extrayag. & si dominici gregis, 2. de penitent. & remiss. Navar. in cap. 12. num. 75. vers. secundò dicimus, tom. 3. & Graff. decis. aur. cap. 31. num. 21. par. 1. lib. 2.
- † Nec super voto solemniter emisso per facti ordinis susceptionem potest quis dispensare, nisi solus Papa, qui in voto solemniter per professionem tacto, si gravissima aliqua necessitas imminet, dispensare potest, † & de monacho potest facere non monachum, gloss. fin. circa med. in c. cum ad monasterium. & ibi Innoc. num. 4. & Abb. num. 21. de stat. monach. Paris. conf. 68. num. 148. vol. 4. Covar. cap. 2. num. 10. & 11. de test. Navar. d. n. 75. vers. quartò dicimus, & Graff. eod. c. 31. n. 22. & 23.
- Quidam enim † Remigius monachus, & sacerdos, & de sanguine regio Aragonum, deficientibus aliis ejusdem sanguinis personis, cum dispensatione Apostolica duxit uxorem, ex qua suscepit Petronillam, quæ successit in Regno supra Raymudo Comiti, & Marchioni, ex quibus ortæ fuerunt octo generationes illius domus Aragoniæ, ut post Io. Andr. in reg. semel. & Petr. de Anch. conf. 335. trad. Feli. in cap. si quando, n. 5. de rescrip. ubi plures citat, hanc opinionem sequentes.
- † Et mortuo in prælio de anno 1578. Sebastiano Rege Portugalliæ, nullis relictis legitimis descendibus, vel agnatis ad Regni successionem vocatis, super-

Alte:

Hinc Henrico Presbytero Cardinali septua-
 genario eius patruo, pro parte ejusdem
 Regni procerum fuit maximis cum præci-
 bus Gregorius Papa XIII. requisitus, ut
 cum eodem Cardinali pro matrimonio
 contrahendo vellet dispensare, maxima o-
 nim urgebat causa dispensationis, quoni-
 am plures prætendebant dictum Re-
 gnum ad ipsos spectare de jure. Nam An-
 tonius à Portugallia dicti Sebastiani Re-
 gis prædefuncti ex illegitimo coitu natus
 frater consobrinus, favore etiam populi
 totius Regni fretus, Regnum ad ipsum
 præ ceteris spectare prætendebat. Philip-
 pus tunc Hispaniar. Rex hujus nominis II. ad se
 spectare proponebat, Emmanuel Philiber-
 tus Sabaudie, & Alexander Parmæ, &
 Placentiæ Duces, ad eorum quemlibet
 spectare, juribus per quemlibet ipsorum
 deductis, allegabant. Unde, non sine maxi-
 ma sanguinis effusione Regnum hujus-
 modi, quieti, reddere, & cui de jure debe-
 retur judicari posse probabiliter dubitari
 continebat. Quapropter, Papa secretò pe-
 titos consuluit, & præcipuè Bernardinum
 Bisciam Romanum, tunc temporis prima-
 rium advocatum, cum quo maxima amici-
 tia eram conjunctus, qui casu bene discuf-
 so, post librorum revolutionem vivit in
 hanc sententiam, quam Papæ aperuit, &
 post ipsius Papæ obitum mihi retulit nem-
 pe, quòd causa esset legitima, & ardua di-
 spensandi, ad evitandas cædes, rapinas, &
 alia mala, quæ ab exercitibus, qui à Philip-
 po Rege, & Antonio à Portugallia para-
 bantur, poterant exoriri, dummodo ex
 persona ejusdem Cardinalis cedes, & alia
 mala, quæ exercitus militum causare so-
 lent, verisimiliter possent evitari. Sed,
 quoniam Cardinalis erat in senectute, &

decrepitate constitutus, qua stante spes
 prolis cessare videbatur, ex hac præcipue
 causa non fuit matrimonialis dispensatio
 concessa, quam alias Papa erat concessu-
 rus, ut concedere potuisset, ex supra dedu-
 ctis, & aliis allegatis per Felyn. in d. cap. si
 quando eodem num. 5. per totum. Et dictus
 Cardinalis, qui post obitum Sebastiani
 pacifice idem Regnum possedit, brevi
 tempore in decrepitate decessit, & quo vi-
 ta functo, Philippus Rex, juribus exercitum
 conjungens, ejusdem Regni possessionem
 nactus fuit.

Demum mortuo Duce Jojose in con-
 stitu sine prole, superstitibus duobus
 fratribus, uno Priore I holosæ Ordinis S.
 Joannis Hierosolymitani, & altero fratre
 presbytero Ordinis Sancti Francisci Ca-
 puccinorum, pro publica utilitate, & quie-
 te ejusdem Ducatus, licet fratres S. Joan-
 nis Hierosolymitani, & tria vota substan-
 tialia castitatis, paupertatis, & obedien-
 tiæ expresse, & solemniter emittant, ut in
 stat. ejusdem Religionis, de recept. frat. c. 1.
 nihilominus, ut populum ejusdem Duca-
 tus regere, & ab incurfu hæreticorum,
 tunc in maxima quantitate vicinorum
 tueri, & defendere, & ac posteros Deo fa-
 vente habere possent, fuit ad effectum ma-
 trimonij contrahendi auctoritate Apòsto-
 lica secum dispensatum, licet tamen, & i-
 ple, matrimonio non contracto, decesserit,
 submersus in transitu cujusdam fluminis,
 dum pro patria, & fide pugnaret: & inde
 præcibus ejusdem populi fuit Apostolica
 auctoritate, eidem Fratri Ordinis S. Fran-
 cisci Capuccinorum impertita licentia ex-
 eundi religionem, & pro Catholica Reli-
 gione, & patriæ defensione exercitum du-
 cendi, & bellandi, quod Ducis exercitus